

湖  
海  
詩  
傳

湖海詩傳卷九

青浦王 昶德甫輯

程景伊

字聘三號莘田武進人乾隆四年進士官至東閣大學

士謚文恭有雲塘詩鈔

蕭得山房詩話文恭應於詞章無待史牘初不以道學名而兼洛五子之教素所服膺故腕腕機實頗知大體其見於詩者冲和真澹雖非風騷正則不疑有德之言乾隆庚子余爲都察院副都御史元旦朝賀都御史侍直西階太學直東階鶴出當先在冲和殿行禮余徃遊之會是夕大雪公來早冲寒已不能語掖歸邸舍未幾而歿

送同年馮若渠客遊平陽

驪駒已駕苦難攀襪被攜囊赴晉關  
楚裏白雲龍尾闕馬前秋色雁門山  
驚才定卜三都貴樂志寧愁六月閒  
只悵從遊違舊雨何時樽酒待君還

題同年許紅橋春宴圖卽送之任粵西

薄寒風物正宜人  
舊雨過從趁早春  
每到醉鄉稱小戶  
恰于花國得閒身  
酒旗星聚人千里  
燈樹光融月一輪  
排日朋簪渾未厭  
離亭怕見柳條新

六街燈火暎長隄  
接軫聯鑣鳳闕西  
選石名園全醉月  
攀花曲徑一登梯  
春圃上苑鶯喧早  
人去灕江草綠齊  
促席追歡能幾日  
不堪回首鷓鴣啼

中秋前五日劉繩菴廷尉移寓奉東二律寓中有小閣可眺西山因卽以西山二字爲韻

一枝穩占鳳城西  
掃徑誅茅位置齊  
借綠短牆雲作屋  
攀花曲磴石爲梯  
管絃近接扶風帳  
書卷長親太乙藜  
茶臼筆床隨處好  
當頭明月待新題

移來家具菊初斑  
籬落秋深靜掩關  
片石剡苔新作沼  
小樓拄笏飽看山  
退朝詩思爭花發  
近市心情似水閒  
舊雨過從容剝啄  
聯吟暇日好追攀

裘曰修

字叔度號諾皋新建人乾隆元年薦舉博學鴻詞四年成進士官至工部尚書加太子少傅謚文達

蒲褐山房詩話公神閒氣靜明敏自然事無大小談笑應之雅盤根錯節迎刃而解每遇朝廷大議論衆說紛紛而謠言微中分肌劈理如秦刀若然如土委地人人各適其意以去總督高君書麟調天仙化人不可索泊者也公沒後相傳爲燕子儀水神後有家人過之拜祝詞下云若果在茲願乞順風填之東風果作挂帆而去故顧瞻沙詩曰爐香燭影曉猶紅舊首陳情語未終試看雲霧微颺處春江已借一帆風

恭讀

御製土爾扈特歸順記書後

國家中外大一統曩惟西事煩經營

兩朝撻伐未竟緒

皇帝睿斷功乃成勝算在握要領得如雷斯厲風斯行

乘機迅掃到開鵲陽關以外無堅城再讀

御製歸順記

土爾扈特來投誠前茲準夷梗化久四衛拉特相支撐我師  
當時定全部獨此早竄偷其生未曾遣使遠招致亦不索取  
勞甲兵幡然挈屬奉表至彼蓋逃聽心先傾譬從地底見紅  
日有不仰企非人情試看稽首列萬帳盡隸臣僕歸 皇清  
西陲全部此始結更無別種防芽萌上承 付托述

遺志下慟蒼赤垂庥聲倘非幾先具

定識安得臨事不

震驚

大文細繹再三四眼中事理昭然明信哉

至

德威必應昔者敵壘今編氓提攜襁褓及婦子不似昨日飢  
寒并脫離羅刹入樂土自此畜牧安昇平渥巴錫汗知向背  
鶯遷出谷茲爲榮馬前纍纍復若若乍習拜舞依 龍旌  
山莊宴賓 盛典屢丹青落筆騰光晶 鴻勳偉烈古未

有照耀天地環九瀛豈知

聖意益深遠凜凜

泰運猶

持盈

題桑陂甫五岳集

去年持節西域行道邊恒華相逢迎恩恩日馳三百里那復  
酬對勞山靈今年奉使出齊魯岱宗天半空崢嶸中州中岳  
亦咫尺烟雲寂寂巖畫扇平生五岳入夢寐輪蹄到處聊延  
停其如可望不可卽直等海上三山橫向禽一語躬未踐史  
冊已自垂高名豈知遙遙數千載有人誓不渝前盟藉彼嶽  
歆磊落之面目暢我高寒率筆之性情客中投示紀游作五  
岳一一足所經芒屨幾緇昏嫁畢快哉有志事竟成學山至  
山果若此我今相士不敢輕手君詩卷待明發回首猶望崧  
山青

題陸包山仿王叔明高士聽泉圖

老龍夜吼濤聲起近聽却在松風裏  
縱鉗浙瀝和者誰流泉一派清入耳  
洞庭毋乃仙樂張細叶宮商調角徵  
廣陵散絕經千年兒女箏琶徒靡靡  
幽人意態疇爲傳披圖云是包山子  
有元巨手數黃鶴曠代高情工寫此  
橫斜落紙遠逼真毫芒底用求形似  
莫言不見並不聞有聲悟得無聲旨  
萬籟俱息山空空濺玉跳珠鳴不已  
何當譜入無絃琴志在高山在流水

奉勅題江村草堂圖

應是白蘋洲上居然黃葉村  
邊鹿門有客招隱蓮社無心結  
綠竿可浮家泛宅兼之鋤雨耕  
州臣亦江湖舊隱畫圖重與周旋

仙霞嶺

戊樓曉旆露初乾一徑紆盤客意安  
壁壘久忘當日險功名  
仰愧昔人難李安義提  
歐陽修此青連翠鳳排林起  
白走銀龍渴澗寒形勢  
東南分控帶眼中甌越下方看

次韻送張寶臣少宗伯予告歸里

一笑翩然喜宦成  
麥秋時節暑風清  
明廷屢緩還山勅  
老輩難勝揖別情  
調鼎有人留坐論  
抽簪寧礙獨歸耕  
某邱某水欣無恙舊社雞豚約共迎

儲麟趾

字梅夫荆溪人乾隆四年進士官至宗人府府丞

蒲褐山房詩話宗丞居陳院位直敢言由是爲聖明所眷海歷京卿嘗遣祭少  
吳陵奏唐虞五臣皆有專祠惟契獨無請立廟以補前缺奉旨令蒲毫二州立  
廟永垂祀典既歸嘗主書院講席年八十餘而終



張公洞

石洞破山腹驚雷飛玉龍採藥一仙去至今呼張公魚梁噴  
珠沫靈響疑笙鏞初猶索火照徐乃天戶通振衣上層磴雲  
影盪塵胸奇石蹲獅虎山花無春冬出洞已巔頂指點數諸  
峯歸路躡鳥道彷彿疑仙蹤

西溪卽事

溪上露華白舟行破清曉林端隱缺月烟際出叢篠渡筱漾  
碧沙漁醫倚紅蓼逢僧問前路舉步疾飛鳥

李繩

字勉伯長洲人乾隆六年舉人官平樂知縣有葑田吟  
稿

由青田至錦水塘

灘響非一名峰登更千狀乍疑前溪阻忽訝後嶺障牽纜沂  
委紆蕩楫信容漾清月一以對萬象皆澄曠巉石印虎跡叢  
條淒猿鳴閤日迴轉新撫景意彌愴鄉思忽肯增清謳聆越  
榜

遊靈峰寺羅漢洞至一線天

仙洞拔地起怪巧天匠鏤披莽穿仄徑尋異得幻觀蓮瓣兩  
崖裂佛掌一罅漏上梯井牽縵下坂簷墜霑同行挾山僧驅  
壓瓦牽就倒退尻高胸直進趾壓首隨步凜戰兢履險無蹶  
仆入洞轉曠如板屋成結構石櫺挂珠簾泉乳孕巖竇僧牀  
狙共眠佛髻薜爭繡柏坐了聲聞歸雲翳寒岫

登城望西山殘雪

寒原動晴暉城闔暫流憩遙峯雪未消積素明新霽白雲映

層嵐清光互虧蔽  
藹藹烟樹疎陰陰  
返景麗岩翠  
淡欲流涼氣  
攬衣袂  
一塔指吳宮  
雲林望迢遞

憩靈異亭眺東谷諸峯

下嶺谷轉深  
奇秀衆峰窟  
聞鐘引前路  
松徑入蒙密  
溪廻得幽亭  
瀾茗偶停歇  
過耳喧琤淙  
到眼驚翠律  
巧疑鬼工鑿  
怪訝坤軸裂  
摩空劍戟攢  
逆地芝菌出  
鼙鼓叩逢逢  
斑管抽乙乙  
乙名肖形隨  
稱名雅俗難  
盡述  
是時微雨過  
巾袖涼風拂  
石泉和松籟  
仙樂奏  
琴瑟  
步移幻態增  
目眩詭景失  
諸天生空虛  
境寂塵抱  
豁白雲解  
留人幽禽叫  
林越

遊東谷一路登靈巖尋龍泉水

雲滃衆峰浮  
雲淨疊嶂曉  
竟日白雲中  
泉鳴雲路杳  
丹花綴幽崖  
翠壁敷寒條  
過日接新賞  
引步紆遐討  
入寺剩顏垣  
苔

塔淨如埽旗鼓峰  
阜東西屏障削天表捫蘿追層巖峰峰盡  
可了虬幹走巉岩寒湫俯深窞何年蟄毒龍雲黑露鱗爪拂  
蘚尋留題道人句可考境靜契無生塵網脫宜早隔塢度疎  
鐘纖月挂林杪

山行過古寺飯訖遇雨觀山田插蒔感而有作

山行緣澗深危步踏澗石入谷聞午鐘鐘遙嶺轉隔山僧導  
我前野蔬手自摘齋厨動炊烟幽禽下窺客濛濛濕雲流千  
岩翠欲滴庭陰澗松篁嵐靄上几席開軒面畦塍涼風吹巾  
幘油油動秧針澆澆引泉脉勤力冀有秋敢咎山地瘠芸人  
愧無成忡忡感行役去去攜孤筇烟消亂峰碧

過蘆溝橋

吹角戍樓寒征塵上馬鞍斷雲橫碣石斜照冷桑乾設險前

朝事悲歌此地看故人燕市酒相憶路漫漫

天台道中

亂壑響春雷山泉百道回梯盤松路暗崖削石門開水碓雲  
中出樵歌澗曲來幾家殘雪住籬落點疎梅

河間懷古

鬲津故道指茫茫文物由來重此鄉訓詁一家傳博士山川  
終古屬賢王黃沙夕捲河流合白草秋枯野燒荒何事田間  
還佩犢問誰奏績繼循良

舊志  
河郡

周迂邨丈招集諸同人宴小漆園卽送周緝堂還吳

江吳南勤之華亭

雲龍追逐久忘年接軫還看二妙聯松石尙留名士蹟簪裾  
重卜故人筵池光到榻涵疎雨花氣侵堦雜暮烟珍重明朝

分手去一樽欸欸話燈前

嚶嚶鳴鳥悵離羣折柳歌殘酒易曛  
十子風騷懷北郭三江烟月望南雲  
疎鐘遠樹溪堂隔細雨春帆驛路分  
預擬崦西梅信到探幽重爲待夫君

涿州早發

三輔藩垣此一方切雲雉堞倚巖疆  
角聲千帳飄殘月客夢孤城入早霜  
經術古文傳涿鹿英雄土俗話樓桑  
時清休吊岐溝事白草蕭蕭戍壘荒

姜恭壽

字靜宰如皋人編修任修子乾隆六年舉人有皋原集

蕭楊山房詩話靜宰白號香齋居士能詩善畫工篆隸癸酉從雷翠庭別隱視學江蘇時予向爲諸生靜宰得所試詩賦愛之遂來定交後五年復遇於都下靜宰寫梅數枝取姜白石疎影詞篆書其上以爲贈嗣後不復見矣聞其病亟遺命以古玉二枚葬殿經一部殉葬蓋矜奇之士也

豆花

暮色下秋旻蒼然生老圃  
庚庚燒眼籬紛紛豆花雨  
豆花旣以白豆莢亦成纒  
晚飯臨涼風秋實腴堪煮  
上有青蟲縣下有寒螿語  
霜田落爲其小人良辛苦

杜若

秋水不受染芳杜搖孤翠  
白雁下橫塘照見相思字  
天末懷夫君日暮期不至  
江南可采蘅西風吹垂淚  
別去可復論露華易蕉萃

渡江東歸

燕子磯邊九月天鯉魚風  
送石城船黃花又見歸來  
日紅豆空裁寄遠篇玉樹  
歌中陳後主仙人掌上柳  
屯田絳情合付長江水江  
北江南盡惘然

秋夜

餘焰吹頽垣荒蕪滿庭戶中有人未眠蛩吟入秋雨

題梅花

一枝瑤蘂倚春風鶴去寒山夢已空記得夜深林下過月玲瓏又雪玲瓏

申甫

字笏山江都人乾隆元年薦舉博學鴻詞六年舉人官

至左副都御史有笏山詩鈔

蒲褐山房詩話笏山副憲以中書舍人直軍機掌內制十餘年代言起草指事類  
牘九重時嘉賓之爲詩抒寫性情老無故寔白樂天楊誠齋查初白其現副冊  
子也好句如行攀石磴無人跡靜聽流泉冷客心幾日閒眠關竹戶一番細雨長  
秋花寒歸木末全無葉暖入梅梢漸有花尚有晚香留紫萼不妨小閨到黃楊至  
今有吟詠者後舉秋帳中  
承爲選擇而梓之凡四卷

旅思



二月天涯旅思交，輕寒惻惻雪纔消。  
一庭芳草客惆悵，幾點杏花春寂寥。  
何處借風吹好夢，有時聽雨度清宵。  
自從江令魂銷後，縹緲雲山不可招。

送陳西樸南歸

草檄才華久擅名，倦遊難得是歸耕。  
胸中湖海豪猶在，鬢上星霜老欲成。  
枯柳暮烟鴉陣陣，西風殘雪雁程程。  
江南到日梅應放，與寄相思太瘦生。

桐川大兄南歸率賦小詩送別

釀泥深巷雨如絲，矮紙催題贈別時。  
欲去始憐相見晚，得歸何憾到家遲。  
掃除塵土三年夢，成就山居一段奇。  
更喜津門楊柳暗，扁舟渾似畫中移。

己卯重陽日同監試諸公明遠樓登高偶成七律一

首

鳳城佳氣曉層層，高處涼生感忽增。  
霜葉老留前代樹，風簾閒憶十年燈。  
尙容我輩憑闌望，可惜無人挈榼登。  
轉羨陶然亭上客，葦花如雪興飛騰。

送姚二念茲之山右次陳句山前輩韻

山長新如得好官，夢餘休更惹愁端。  
才名不媿陳蕃榻，豪氣曾輕貢禹冠。  
久住忽成千里別，強移聊借一枝安。  
草堂貲要隨時蓄，垂老依人畢竟難。

七月朔日鐔石招同地山少宰小集山齋爲鴻博同年之會，兩公各賦七律六章，予亦和之，書于鐔石所畫歲寒三友圖後，以誌一時盛事。

山館涼生面面風，何分賓主此情同。  
故人海內今餘幾，往事

樽前話不窮各有姓名留薦牘儘多酬唱入詩筒衰年倍切  
齊年誼氣類相關要始終

接葉亭邊落葉寒紛紛送客出長安

丙辰秋冬之間屬樊榭沈東甫沈  
幼牧送耕石汪樾塘諸君同寓于

接葉亭試畢先生出  
都同人咸于此餞別

重來我只常資進晚達君猶本分官未敢便

爲徵士老不妨仍作布衣看風流畢竟推前輩早向雲霄刷

羽翰

少辛由乙卯中畫內展中式  
改庶常予與韓石莊爲後進

下馬高車已在門

少幸

相逢一笑畧寒溫兩公視我如兄弟三

世論交到子孫肯以虛聲孤物望將何努力荅

君恩他

年各買扁舟去剪燭淮南盡處村

四十年光電影俱晚收或者在桑榆飛鴻踏雪曾留爪老馬

衝泥自識塗難得盤桓同躡屐却煩羅列到行厨劈箋更俶

元人意松竹梅花共一圖

曾提宗

字瑤圃贛縣人乾隆六年舉人官鄜州州判有瑤圃詩

鈔

南浦曲

郎自居南浦妾自住西灣盈盈阻江水澹蕩起長瀾二解欲採  
浦中花凌波兩粦斜單衫紅杏子白袷單輕紗二解邀郎入花  
浦不知郎住處人傳郎門前雙雙烏桕樹三解漠漠春風吹迢  
迢江水暮問郎來不來風濤那可渡四解入亦復苦愁出亦復  
苦愁相思隔南浦明月照樓頭五解

江行晚泊

川原迷水驛旅泊嘆孤蓬永夜一杯酒寒江半櫂風燈昏知  
雪急衾薄愛爐紅回首鄉關遠青山幾萬重

江行

天濶雁聲遠江寒沙渚明孤帆何處泊日暮晚烟平

楊述曾

字二思號企山陽湖人乾隆七年 殿試第二人及策

官侍講卒贈侍講學士

蒲褐山房詩話學士爲內閣學士椿之子博綜史傳乾隆己卯冬上修通鑑綱目輯覽命學士及大興朱編修筠武進蔣編修和寧仁和張舍人壽同余充纂修官發凡起例斷疑不少假余輩常集其邸家人善治庖餽論之暇輒出飲饌以忘憂行酒酣以往語譚四出猶見先輩風流也詩不多作偶獲二章亦駸駸入作者之室

題陸乾日隸書千文

乾日名頌河南巡撫陸朗夫書之  
父事漢魏八分十數種有石刻

秦時王次仲六書變體創八分梁初周散騎羲之碎字編千文羽人已化大鳥去侍郎髣髴髮嗟如銀迢遙應千載源流一區河汾八分鴻都不經後元常準尾波勢尤超羣開元碑頌僅具體韓梁張史徒云云千文習永擅神妙八百分散留

江黃吳興王孫所傳十七卷俗書依仿贗本尤紛紛松陵陸  
子嗜古有奇癖蟲形鳥跡遠欲窺皇墳一丸隄糜作螯甲三  
寸柔翰供鋤耘京華旅食坐無事閤窓素紙舒羅紋割分篆  
隸綴晉字規撫曹蔡凌右軍當其提腕時引而不發有如勁  
弩縣千斤及其縱手快盤空天矯有如驚鳥摩秋雲條如長  
矛掃鋒鏑突如巨石崩崖垠屹如巍堂列柱礎綿如遠岫霏  
烟雲攪張如怒羣龍奮鱗爪敷紛如綴百卉垂葩芬或如淇  
園風動千竹葉蕤蕤或如湘流帆轉九折波沄沄纖濃各意  
態直曲隨鋸鉞含文復包質強力還豐筋書成應置國門外  
導觀紙價逾元纁嗟予學奇觚拙手空辛勤華山岱嶽未經  
到邵陽酸棗憑傳聞元黃賸句兔園冊凡將急就同斷斷綰  
蛇紫蚓自嗤笑偶遊燕市欣逢君一編示我插高架經囊珍

重薰香芸恍懸師宜帳疑曳羊欣裙何當數晨夕泥飲乘酣  
醺便從竊柑學梁鵠還持奇字師劉棻昨宵殘月正離畢飛  
雨颯雪雷砢礮曉來西山起晴色豁開東牖延朝昕摩挲舊  
籍忽三歎沉吟拂几心殷殷張生石鼓李潮篆杜詩韓筆萬  
丈光所灼我生已晚學燕劣文章豈直殊蕘薰搖毫擲簡不  
知暮起看遙樹汽溼含斜曛

浮山禹廟觀壁間山海經塑像

真宰三靈萃鴻鈞萬彙陶神姦原並育山海競潛韜緬昔平  
成烈時先淙洞遭八荒勤偶步四載奠林皋蒼玉開函授元  
圭錫命叨鑄金窮變怪象物漸秋臺魑魅窺形屏龍蛇匿影  
逃洛符同寶貴西隅忽淪滔斷簡存劉畧遺文問楚騷尸藏  
相顧械烏飼畢方號精驗如符契疑言尙剖刀何年圖鬼秘

入廟肅清高靈石當堦峙奇功一簣勞岷峨聯脉絡淮海帖  
波濤浮似來孤鷺移寧藉六鼉中央森殿陛百物備牲牢恍  
惚陰雲合睢盱怒氣豪麟身兼虎齒魚負亦蛇操飛有驩頭  
翼髮生役采毛燭陰曾不息相柳尙餘臊夸父奔林渴刑天  
舞戚遨森羅爭顯相環列儼分曹過日名雖記臨風首重搔  
江河當四會樓櫓集千艘簫鼓喧祠禱魚鹽雜市囂古松崇  
廟貌美黻換神袍搏土勞丹蘄驅巫迓赤繚人天同詭誕土  
女混譏褒平野鱗分次殘陽弓半嵌茫茫橫百感歸路響寒  
颺

寶光鼎

字元調諸城人乾隆七年進士官至左都御史有東臯  
先生詩集



蒲謁山房詩話先生性情伉直遇事敢言而尤以文學受知大考翰林第一  
不兩載間晉內閣學士有書房屢荷文衡之命其再使浙江也發平陽重  
徵之案幾爲交構者所中幸得實上聞詔令覆審乃置縣於法浙中人士無  
不降膝成泣而先生還朝有總憲兼直上書房恭皆荷聖明如神之照  
也然先生自謂獨契聖賢之旨故於宋儒所言指斥不遺餘力聞者往往驚駭至  
詩非所屬意也其後倣秦以歿門人秦君瀛置其槩主於西湖望湖樓且哀其詩  
而刻之

### 登九仙山

連山東南豁百里俯滄洲陽崖叢石連陰壑蟠潛岬巖采造

白日

山絕頂名  
八朶峯

羲和碾行軌萬壽冠羣峰石色連天浮覽古憶

漢士問年齊浮邱遲遲傳丹液可遇不可求想像明月夜鸞

鶴驂遨遊銀臺光照耀倒景隨東流浩歌遏白雲清絕令人

愁鴛鴦搶榆枋黃鵠固遠投涼飈振林樹柯葉如驚秋夙心

展廣眺及茲縱冥搜

言陟從壽嶺佇望仙橋路

仙橋

積石淙清流斜陽亂紅樹賞心

會獨往倦足容小住頽宇龍象愁危巖獅虎怒

山有獅象  
峯虎岩崇

仙人

通蓬萊溟漲不可渡溯洄溪風長寒林颯已暮杳杳遠鴻音

鬱鬱隱豹霧撫化時有適得已物無忤揮手攬皓魄振衣拂

白露行行謝磷緇終然完吾素

游天井

一名白  
龍潭

游子追險絕造物秘靈境始下九仙麓檻泉書庠

峰名

頂西行

得牛崙幽尋問天井杖策半峽折谿徑擒榛梗跼身緣峻嶒

步濯覺道永稍出石門隘已怖風色猛湍瀑迴羣壑硤角會

諸嶺仰睇練峰嵌轉睨龍宮迴谿瀉壑谷氣侵毛髮冷黑

雲閉靈竅白日匿晶影危崖竄龍內思想見虛無

底積水藏溟滓有時沃石牲終不受澹瀨

涵淵靜適張驚蟄潭鬼神茲游固多幸

西暉餘照曜延佇惜俄頃

韓碑

昔讀南海碑今公之海廟遺碣見千年望古集遐眺洪鈞播  
萬類噫氣吹衆竅遭水自成文輯嶽極神妙南溟稱天池晝  
夜浴兩曜直極爲尾閭噓噓百靈召軒波碣五嶽鯤鯨恣擲  
掉惚恍游萬怪三躋窮窈窕厥大莫能名斯文與之肖川石  
勒祠廊萬里鎮炎微想見神光起燭夜連嶺嶠遺文重摩挲  
絕歛仰輝耀扶桑擎一枝乾坤有餘照濡筆增怖愕摹繪難  
領要別派細潢港小言碎瑩爛觀瀾雖有術坎科每自笑何  
當學龍吟一息蛙蚓叫

送胡少京兆從軍金川

落日明寒水驚風動大旗已知經絕域不復憶生離入穴寧

論險擒王或用奇安邊定深計番婦與番兒  
維種那高壘天河已洗兵笳吟雲棧落劍倚雪山清幕府從  
籌筆宮僚愧請綬祇應馳楊柳與作凱歌聲

送王熊峯先生謫任西川

劍外論兵地已西望歲人瘡痍羣命賤飛輓異鄉貧白馬今  
從事青雲實致身勿云分半刺萬里借良臣

夜過彈子磯

日下碧峯暮山寒蒼鶻號江流催地轉石氣與天高直想移  
靈鷲何年斷巨鼇客帆不得泊欹枕送驚濤

雨入滇陽峽作

西壁巉無路南天隘此門疊空浮雨氣逆水瀉雲根灘鴈牛  
仍門峽中兩石如牛門狀曰牯牛灘江寒鷺不到樵歌聞谷口稍稍見前村

還過觀音巖作

迴岫枕江斷入天，青分波心空過雨。洞口暮垂雲滅火，巖  
應見吟風虎。每聞歸舟還小憩，宿霧白紛紛。

吉水道中

遠岫如螺湧，廻江作字流。波清從浴鷺，帆靜不驚鷗。前輩文  
章盡荒岡，日月留。江濱有日  
湖月圓溪樓不可上，獨立倚灘舟。

抵清遠作

香爐中宿接嵯峨，擬訪禺君舉薜蘿。夜雨偏從枕邊急，春山  
却向夢中過。驚心峽鳥喧芳樹，滿眼江雲送綠波。此去無勞  
費牽挽，停橈閒聽木魚歌。

登浴日亭次東坡韻

扶胥南下水如天，倚棹孤亭黃木灣。海外初收鰲背雨，雲中

利辨虎頭山卽看銅鼓添沙稜

南海廟前漲沙數十里名銅鼓沙

豈有丹爐駐玉

顏

東望白雲山有安昌期丹壺

我欲騎鯨攀若木偏懸五色十洲間

### 登越秀山

鎮海樓頭過雨痕越王臺上俯朝曦地連五嶺分鵬背水帶

三江下虎門歌舞歲時人代換

山後爲歌舞岡

東南市舶島夷繁頗聞

利病關絲禁尙待咨詢達

帝闈

### 章寶傳

字習之歸安人乾隆七年進士官吏科給事中有蘆江

詩存

### 秋日偕友人登陶然亭

蘆白楓紅淺水間斷雲高曳小禪闌屐分莎徑涼蜚語磬出  
烟林暮鳥還畫格今看秋易老宦情好與佛同閑凭闌莫便

輕圓策一髮螺青似故山

書山水冊子

放懷濠濮間晤賞寂無侶漁艇一燈遙和烟落寒渚

曉發碧浪湖

浮玉諸峰郭外欹蕭然兩岸荻風吹碧天印水平如鏡剪破  
涼雲罽一枝

鄭虎文

字炳也秀水人乾隆七年進士官至左贊善有吞松閣  
集

將軍山

山含春雲青石露虬骨瘦倚空有孤撐跨波得虛覆壁削平  
孰磨罅圻碎如湊初疑女媧遺采煉彌缺漏又疑石髓流風

凝出皺皺問名訝將軍象殊甲冑苔蘚偶作緣土壤不收  
垢樹古蟠蛟螭屏展界紋繡上枝蔽危峰下根貫陰竇高宜  
致仙禽險不隱怪獸探岳遲巨觀循江副奇觀去舟泊中宵  
迴榜觀晴晝酬此隔歲心如有十年舊磨崖欲題名迅帆促  
歸溜遊屐空遲迴山林笑凡陋

首夏偕近叅拈花浚谷雪園叔山閣谷昆季遊城南

王氏園林

我本死湖釣魚者只愛乘船怕騎馬無因得避馬頭塵扇障  
元規亦聊且江南一別動年年夢裏春波水接天消磨上巳  
桃花雨辜負清明楊柳烟忽見街頭賣紅葯坐惜流光付蕭  
索城南水木自清華十載遊蹤猶約畧閑雲出岫鶴辭軒休  
沐能來避俗喧因呼我輩不羈友共訪王家沒字園

園中無聊  
額因戲呼



窗入門便覺意思好一味清凉消熱惱竹下原非為主來花  
間未識緣誰掃無多亭閣似星羅一碧池塘新鏡磨回首誤  
鷹幽鳥喚穿雲愛趁綠陰多松風壓頂秋濤急草色侵鞦韆空  
翠濕山成覆簣樹為籬隔斷紅塵吹不入偶來人外十分閒  
風景依然似故山我欲盡拈書籍賣脫身長寄水雲間此願  
終愁墮空杳高飛媿爾安巢鳥出門舉手謝園林潑眼烟光  
青未了

度磨石嶺觀雲海

黃山雲海世所傳

格禮學士有圖

潘記

稼堂先生有觀黃山雲海記

歸愚稿

沈尚書行

昔常披玩不忍舍懷此不到空年年今來楚南度磨石如石  
磨磨折且旋枯蝸升壁蟻出穴高凌碧落卑重淵悄然坐我  
三十六峰頂俯視下界堯羅綿維雲觸石膚寸起澹痕輕素

飄炊烟初升一縷合萬族漸彌罅隙無旁邊當其欲合未合  
間百重樹杪噴薄無聲有象之飛泉分流互注各有態虛空  
欲碎難雕鐫遲來惜我未見此但見浩浩一氣相盤聯幻參  
雲水寓色相妙兼雪月爭幽妍恍疑一拳坐一葉斷查銀漢  
浮張騫還疑岳陽喚未醒神遊赤岸君山巔或云天差夜郎  
洗陋俗綬寧志云  
右夜郎地天吳海若紛駢闐不然夸娥負山送我北海  
之北南海南罡風鼓籟聞成連盪摩星日墜杳杳平夷凹凸  
歸平平就中忽露雙峰尖光明搖漾青螺圓與之低昂波上  
下俄然遠近風便娟瀛洲方丈此或然不爾胡得空中懸吾  
聞乾坤大物山與海表靈蘊真窮言詮惟山有海海有市變  
滅諸相真虛元代傳其說見者少況我過客尤難焉登州海  
市禱乃見侈神報豐天哀憐不祈而獲我何德重是 帝命

司文權與蘇殊遇遇差勝可無健筆追坡仙坡仙往矣不復作詩成未擬投時賢時賢自有黃山在那識渠陽別有天

平金川

峨嵋橫絕指金川鳥道羊腸路幾千域外河山歸禹服寰中日月共堯天不矜兵力誇三捷自有宸謀出萬全一怒安民功勒石漢家勲業陋燕然

上將胸中富甲兵登壇受鉞命專征一軍未許驚韓信五餌何勞策賈生日下風雷馳號令春來草木識威名天誅更不煩擒縱白羽輕揮瘴霧清

卽事

半捲蝦須蕩玉鉤蕭閑景物一庭幽清池得雨青浮面荒草無人綠到秋落葉亂驚歸鳥疾薄羅輕趁晚風柔望中無限

飛鴻影看盡斜陽下荻洲

王太岳

字基平號芥子定興人乾隆七年進士官至雲南布政

使左遷司業有青虛山房集

蒲褐山房詩話先生時宗魏晉下及唐人醇古淡泊可稱高格生有至性每言及古來忠義事輒爲感慨流涕卽觀劇亦如之與邵叔江鄭叔齋顧密齋諸同年以文字相摩厲才名甚著及自雲南罷歸復直四庫館授司業居海陵之太平莊雖終以終老

讀史

漢祖戮功臣本圖磐石安豈知禍所伏近在蕭牆間牝雞一  
司晨翰音遂登天炎劉幾化呂坏土殊未乾產祿實昏駮平  
勃黜爛焉倘其遇莽操何計能圖全乃知牀第私匪惟因庸  
孱由來蓋世氣半消兒女前李唐武后禍亦兆貞觀年文皇  
豈不偉貽謀何曹然千古同一慨覆車無後先關雎謹妃匹

信爲王化端

子孟起宿衛綽有古人風寅恭著夙夜進止何雍容六尺旣  
有託四海無兵戎一朝臨大事隻手廻蒼穹凌烟標霍氏遠  
紹伊且蹤功成不知退震主威隆隆終爲兒女誤躬與弑逆  
同滅親昧大義禍發還覆宗信哉貴學術臣節庶克終

黛流村新營所住

昔予黜朝簪本自滄洲吏一辭京雒塵適會田園志卜築代  
巖栖嘉招慚遠至遂負伯鸞舂頗授揚雄字林間結架小郊  
扉晝常閉灌溉發陽翹荒粗豁蒙翳翦彼惡木陰暢此芳菲  
意非惟娛徂年兼得閑外視支杖聽風篴披襟納山翠片雨  
洗青天寥寥元古思

種藥

結廬近塵陌獲與田夫齒蒲杏日專與農候茲焉始余方據  
槁梧素業亦時理荷耒竟不任聊欲勤四體鋤瓜夜雪餘種  
藥春陰裏酌以長生瓢注之功德水豈不念朝飢好事良自  
喜擾擾區中緣遂性亦云已

奉酬檢討從兄見過之作

王城車馬路尙愛野人廬石隅看雲坐春畦撥雪鋤白憐頽  
放慣人許往還疎所賴吾宗秀時時問索居

秋朝晏起吳百藥見訪酌酒叙懷

涼颺下梧葉日夕滿庭墀清曉鳥啼歇岩窓人起遲倒衣知  
有客解帶坐論詩世上紛微逐將無文度癡

歸自東臯得顧密齋學士書口號却寄

看遍秋山又獨歸楓林樵徑晚風微寒原漠漠耕人語烟渚

沉沉浴鷺飛嘗有遠心當暮景絕無飲興典春衣集賢舊侶  
能相問人在東臯賦采薇

早過潼關呈屠參政

日上關門宿霧收角聲悲壯肅高秋山連二華橫秦塞水控  
三川下豫州行處牛羊歸聚落幾家鷄犬共林邱風流輸與  
屠夫子深坐溪亭理釣鉤

廖運芳

字湘芷又字楚厓龍南人乾隆七年進士官嘉定縣知  
縣

秋溪晚吟

葉涼秋江清汊口人家暮新月上孤城隴烟橫遠渡星星漁  
市火杳杳寒山路古崖斷行人歸帆泊何處

飲酒

山氣殊未昏。雲林耿深曲。崖影墮層檐。暝色趨茆屋。遠村孤  
烟起。人家住深麓。清池澹涼颺。水蛩度修竹。山窓然松燈。有  
酒我自漉。須臾石門月。娟娟照幽獨。

過靜聞精舍

石徑無人到。溪聲隔竹聞。殘燈孤嶂雪。曉色萬峰雲。僧鉢呼  
猿共。山樵混鹿羣。澄心留半偈。歸路已斜曛。

泊峽江病起口號

梳沐經旬罷。支筇作薄遊。鶴鳴秋水寺。鴉陣夕陽樓。背嶺荒  
城閉。迎風獨樹秋。如何三載客。淹滯尙林邱。

京口懷曾瑤圃陳鑑堂

殘夜空江水。懷人坐到明。愁心楊子渡。落月廣陵城。飛夢懸



秋水相思折杜蘅南歸無限意北望轉含情

虔州客舍送劉遠暉之江南余亦返權南埜卽席賦

別

天涯離宴一樽同折柳危亭夕照中失路三年俱作客秋霜  
兩鬢又飄蓬斷烟城郭逢初雁暮雨江帆見落楓別後心期  
應不盡西窓可記夜談雄

熊爲霖

字浣青新建人乾隆七年進士官檢討有鶴嶠詩鈔

下清浪灘

揚颿愛風駛下瀨喜灘急龍涎激秋雨濺使青天溼燥縱勞  
長年屏息蒼鷹立一石振一篙心手妙相入借勢得分寸雷  
車翻嶽嶽弄雪跳珠花卧聽鯨人泣

留拙留別盛于野

君將老劍谷我亦歸緱山山谷有真性白雲爲往還殷勤飲  
我酒爲我彈猗蘭酒力生春風天地回朱顏元音在正始變  
徵還無端惓惓向中夜月落疎林寒且復酌我酒莫言行路  
難

虎巖道中

迴巖通險阻仄徑復艱難曲水聲轉雲深入語寒隔林見  
村落前路又峰巒朔吹愁天晚崎嶇十八盤

黃崖

爲陟黃崖險摩空欲建瓴劃雲成境界響谷下雷霆鶴影瘦  
無際村烟散幾星倚欄看瀑布一洗萬山青

暮投瑞昌縣卽事

曉色來天杪山城客到門萬峰陰欲合一水瘦無痕樵唱月中影僧歸竹外村數聲吹畫角霜雁落平原

博陵蚤發

落葉破殘夢疎林月五更水花勞馬跡繹語亂雞聲影復寒仍怯峰微遠欲明中山遺石在古驛近邊城

陳宗達

字葯房桐鄉人乾隆九年舉人有燕臺澄江諸集

春日文子先生招同王大魯山西園限韻

春光澹沲來江南澄江日暖天蔚藍閑庭芳草吐新綠名園上日窮幽探場來風流談六一招攜同伴人成三別墅從遊忝陪列烏巾白衫容清談初從仄徑歷苔石漸臨曲檻依澄潭枯池荷柄盡欹倒淤泥濁潦真如泔平林漠漠淡煙纖瞥

眼光忽羅重嵐坡陀怪石各有致  
瘁如鼉如魃孤亭岑  
律氣蕭爽槎枒古樹撐楓楠老梅低亞更清絕晴暄盡拆霜  
苞含支頤磅礴坐良久依稀鼻觀聞優曇知憐今年春信晚  
不然花底恣沉酣狂呼騁目縱遠眺君山俯瞰何耽耽祇今  
申澗凋遺跡儼如秋燕存空龕人生會合貴適意勝賞不厭  
貪夫貪不見南樓劇幽邃深篁密樹交鬢髮蕭閑妬殺閉關  
客午餘睡足鐘鐺鐺詩瓢酒瓢想拊搗揮毫潑墨樂且湛獨  
憐歷碌事征軼東西南北其奚堪焚書掃地平生願幼輿邱  
壑吾能詣白嶽黃山舊遊憇徑飲小築誅茅庵謝公登臨具  
逸興聞言顧我頤深領夫子盛年歷臺閣曾從秘殿窺金函  
學窮二酉探四庫風騷一代身爲擔白門夙昔仰山斗珊瑚  
鐵網羣雅渢文旌卽日指吳會詩人猛士隨征驂張黃秦晁

指難屈不數短簿同髯參東南竹箭舊稱盛儲材羅杞梓榱  
桷閑從公暇縱搜討聯吟闡韻披銀蟬新詩奇崛氣雄放劍  
文剝蝕光生鐔而我枵腹等魏瓠巴吟里曲心懷慚青桐百  
尺鳳凰叫屋梁巢燕空呢喃却登經閣覓奇字借游更喜朋  
儕簪百弓千笏幽意慙淺紅小白花光涵鼓薄日夕多畏佳  
恍聞風激波滄泖歐蘇詠雪森紀律白戰不許持矛鏃卽今  
韻險等競病催詩火急聊推戡枯腸搜索門匠巧斗室偃仰  
同眠蠶詩成閣筆拍銅斗還期惠我春醪甘

湖海詩傳卷十

青浦王 昶德甫輯

夢麟

字文子號午塘西魯特氏蒙古正白旗人乾隆十年進士官至戶部侍郎有大谷山堂集

清補山房詩話先生樂府力追漢魏五言古詩取則盛唐兼宗工部七言古詩於李杜韓蘇無所不取無所不工風馳電掣海立雲垂正如頂王叔綽呼聲動地又如昆陽夜戰雷回交響雖係才名實由天縱讀憲宗伯序之謂弱次是以包羅衆有筆力足以摧靡古今豈知言也先生嘗云五言必從悟入而七言古詩忽起忽落信手拈來縱橫如意亦非外悟不能尤屬前賢所未發生平宏獎風流惟恐不及與乾隆癸酉江南鄉試予得其門下所選詩題詢南邦人士予以厚幣企晉曉致求殷升之策時東有爲對未幾視學江蘇取來殷諸人悉置之前列而于鳳嗜讀推獎不遺餘力既而召陟司坐旋改司農領參機務上意將大用之忽病瘳以疾木隕山頽宜爲清流傷悼矣先生嘗作古詩四章贈予又有句云軼塵孤往喬仙歸當今豪傑王與蔡來殷企晉及德甫盤挈變滅龍騰驥其推許如此而白首無成良自愧爾

戰城南

戰城南悲風吹吹黃沙沙倒飛左徒倒戈右徒棄兵倒戈者  
有生歸告大將大將怒女門死損我聲連師夜動虜驚晝馳  
歸營舉爵甲衆嬉嬉張鐙擊劍夜雲四開各各懽喜生來歸  
我思來歸來歸安可得願爲鬼雄鬼雄安可圖狐狸嘔血老  
鴉啄軀白日晚下游魂夜呼

### 雉朝飛

雉朝飛其羽灼灼雌前趨子後躍千田十溥是飲是啄我弗  
如爾行樂爾樂我哀朝行出游歲暮獨歸獨歸兮心悲羣噉  
噉兮夜飢我無術兮哺兒先我死者知之

### 今年別

前年別淚填臆卷舌入喉啼不得上有白髮母下有扶病室  
忍啼作笑笑無力出門三日不能食今年別苦復苦出門無

謬入門無主不見我母送我但見兒女盈前淚下如雨我無  
母憶我無旅爾無母憐爾無所提攜保抱恃爾父父去誰與  
慎寒暑爾伯爾叔善視女嗚呼前年別啼不得今年別哭無  
力

飲馬長城窟行

飲馬長城窟城穴堆白骨白骨爲人時雙韃奪馬騎一騎馬解  
過城下飲馬臨城壕堅冰凝澁澗朔氣鳴弓刀二枕戈卧沙解  
場星芒動寒陸青燐黯不流枯骸望城哭三解

兄弟相送至蘆溝返

送者聯鑣旋兄弟棄我去林隙辨歸人時見一回顧停立瞻  
長橋猶是見君處層城隔暮煙楚雨暗寒渡賤子一寸心長  
江千里霧何當爲輕塵冉冉京華路



由天香行藥西盤初入山口

巖秀澄孤懷趣塗意先往理策遵迴蹊空林得樵響幽棕存  
岑寂矧茲秋日爽霜徑稍曲盤虛翠忽見朗漸歷紆澗深未  
識迴塗廣孤暉隨趣濃懸磴披煙上脊藹接諸天振衣發長  
想王裴不可作邱壑誰心賞何時飯名僧松檐稅塵鞅甘從  
麋鹿游拂衣謝親黨

天成寺

秋氣寒空山樹石忽清峭採藥耽翠微欣逐雲門調叢溥稍  
蒙密及此初日照鳴淙石罅涼欹徑雲間蹈詰屈周櫛樛捫  
攀辨蘿薦偶歷開士居忽證前蹤妙躋壑明山檻迴梁灑飛  
瀑向背辨明晦豁達縱臨眺百里際檐端雲物相輝曜山烟  
自晨夕流覽縕深悼緬懷田子春當風蹙微嘯

薄暮至萬松寺

山翠昏陰崖雲際開孤磬怖鴿驚深叢枯筇響蘿逕松關晚  
森肅荷衣拂深淨日落山風吹琴筑灑清聽不見湯惠休秋  
巖發高詠曳屐循道門簷間數峯暝

曉入東巖往千像寺

幽尋意不極披衣徇所務山曉巖氣白振策得微路肅肅青  
松林濺濺石流渡零露晨未晞青草濕芒屨曲折入空翠霜  
徑屢回度烟巒紛若積迴塗眇非故髣髴聞鐘魚香巖澹寒  
霧

朝往香山

夢覺鐘魚清褰裳月在棟盥濯辭精廬山僧出林送苔光上  
芒屨昨宵知露重亂泉聽乍失溪澗澀餘凍石骨生清寒行

吟抱朝甕日出照幽谷山鳥發新哢微風被空翠流雲散巖  
洞永懷煨芋者隔岫聞清誦

豐臺王氏園

孤筇曳青苔院靜禽鳥樂幽懷憺不極獨行果前約綠蘿暗  
荒逕流雲帶晴閣夜來微雨過青林數花落水木明朝華陂  
塘翳烟薄和風散微溫芳叢扇紅藥幽陰澄近原修綠浮遙  
郭不辨荷鋤人高檐聽牛鐸

園居夏夜

清池謝纖暑岸幘臨水除徐步聞暗香涼風泛紅葉明月稍  
東上悄然來清虛遙樹影微得近水光欲無人聲過前林迢  
迢歸烟墟彷彿說禾稼笑語良可娛願祝百室盈吾亦欣安  
居

薄暮登清暉閣眺望

晚登池中樓開眺池上山草樹炫夕麗烟靄浮青鬢微風從  
東來披襟爲盤桓偶然襲蘋藻練影生輕瀾搖曳動窓戶人  
在空明間始知元化妙及此半日間無心得良晤寓目情所  
關白雲出山去日落何當還

晚步泉上

山氣生夕涼林端月初上余行適無事偶此飲新賞池涵青  
影虛魄濯露華爽高閣卧澄鑑波動微偃仰宿鳥驚流泉風  
葉遞清響夜深松竹香翛然拂衣杖時逢樵採歸村謳忽三  
兩長歌懷古人晤言發深想

白雲寺

曉發蘓門山晚憩白雲寺晨昏辨朱樓亭午行乃至車輪軋

聲確砂礫軼軒輊檜柏晝晦冥叢薄鬱深閼時聞風入松灑  
然落清吹遵閼步幽澗雲拂安布置楂枿老樹醜嵌空怪石  
墜有泉出樹杪噴薄不到地跳珠落圓鏡喧靜源不貳境古  
塵貌銷谷邃日容避其巔開華堂佳木森靜植烟雲條爽朗  
嶺陵雜虛翠山脊釀暄和蒼繡簇鮮媚乃知林壑妙明晦各  
有致暫覲舒遐悰重來締餘思無煩歎干役了悟靜者意

香山晚坐

秋晚珠閣涼青山澹將夕復此巖上住披襟坐溪石歸雲拂  
空林蓊然翳餘碧美人何時還娟娟秋水隔勞者徒爲歡去  
矣將何適飛葉響寒山臨流悵行客

永濟寺

籃輿就深烟古寺入修竹山光澄我心復映窓戶綠松雨墮

殘滴清響在空谷隱隱西日斜漸沒巖下屋坐聞幽鳥音眷  
此山間宿

雞鳴寺

眷茲白下秋稅鞅雞鳴寺淨域臨古城坐此巖下翠殘露滿  
空林鳥動時一墜層軒傍松杪寒濤瀉平地烟影暮江辨晚  
日澄湖媚兀坐對青山翠羽數雙至

古詩四章喜王德甫過

瑤葩麗雕榭春飈扇崇蘭美人絃服坐瑤瑟聊獨彈朱絃靜  
理蘊遠調清徽完音希闕苦意闔戶資幽歡殊響繁夜叢冷  
治曲就殘綜往兼慮來引領起微歎願折珊瑚枝持謝知音  
難

之子亦何好竊窺光容儀落葉朝翩翩手持瓊樹枝翠璫飾

五言古詩卷一  
三  
珠珮翔步臨前墀。噓蘭拭洞簫。不惜勞空閨。明月來廣除。曲  
斷無人吹。含睇稍延佇。我顧神爲移。曲調寧不嘉。白日方西  
馳。努力愛景光。崇德爲子期。

喧風被陽林。巖構榮丹葩。蘭芷及荃蕙。郁郁回春華。輕颺發  
芳艷。孤秀凌朱霞。太古忽已遙。入耳皆淫哇。不悲元音遠。坐  
患流無涯。斯人詣淳古。指摘勞相加。願製芟荷衣。怡子以清

嘉

鳳鳴金  
贊寧字

元音逝已久。瓦缶空陳陳。哀哉枯桐枝。俯首同殘薪。大雅出  
晚世。古意陶天真。靜參淳悶趣。援手扶奔輪。沉光秘元訣。和  
性噓芳春。斯人亦已然。此曲何難申。咫尺獨緘憶。悵望勞嘉

辰

謂沈  
宗伯

夜坐園池

月出臨廣池人影動空碧松際隱清光林罅露微白風交樹  
影橫鐘定空園夕念彼前居人悵望知何益墜葉散青苔時  
見幽人迹

登舟將赴梁谿道間作

澹靄蒙青岑孤篷冒疎雨層波生淺涼獨坐聞柔櫓溪迴移  
遠林纔動驚棲羽微辨墟上村漸咽烟中鼓出慣離翻難客  
獨意增楚匪緣逝者悲誰識生人苦稍與前渡辭舉帷睇寒  
渚江城忽已遙孤情眷兒女

夜過青浦

理棹投暮烟餘暉黯遙巘輕舸尋歸流空波肆怡衍野風送  
香氣皓露滴微泫重疊林景昏微茫峯色淺遠火辨孤城隔  
岸聞亂犬稍別烟墟移漸覩雉堞轉華月澹始照流雲蔚初



展一與清景俱乍喜塵襟遣悵悵懷前蹤餘風動深緬

夜赴澄江

川涂屢回驚輾轉眺明月微颺生斷崖清響散林樾竹香深  
夜聞波靜舟人歇雞鳴知近村遠寺微鐘發

雄飛嶺

都隴緣其東春陵迤其西凌陰揖祝融迎陽竇九疑客首歸  
陽程風色晝慘淒積霾惑明晦亭午日已低稜鈞巨石礙壁  
裂陰林虧入谷墮黯黯上嶺排雲霓不知天露艱顛首隨援  
猊古木號驚叢修蛇懸空梯恍惚來山魃拭淚不敢啼懸崖  
納瘴颺天半奔鯨鯢投身罾欲休顛墜乃復稽棧轉陽景匿  
谷響雷車摧絕頂俯萬有高冠衝天扉蒼梧何茫茫苦霧迷  
湘妃如聞洞庭哭崩濤咽迴谿壞雲西角來獵獵翻裳衣頓

覺羽翼生大翻盤秋暉咄哉萬里遊到此英雄飛弗歷登頓  
困詎與烟霏齊周道多庸庸吾行將安歸

### 黑石關

亂山如斷鼉指爪出奇力意外貢盤錯尺路無寸直破荒搜  
棧巖鑿空露鐵刻朝塗趨營陽日晏不遑息澗洞味昏曉惕  
栗忘晨食笈罄四山翳縮足意惶惑林礙天空高雲入地底  
黑嶺巖斷行旅亂石作人立百千矗奇鬼搖動不可測峽崩  
綫空出谷顯鐵壁塞高步非無能乃受傾崖逼鯨鯢掉尾迴  
翼獠磨牙集毒手將老拳蠻觸汝安極長風摧石林老檜不  
肯折鐵中硃錚錚駭此獨行客逕絕雷霆爭硤門日月窄頽  
垣出雲棧梯石足屢側稍辨墟烟高喜與蒸黎卽努力赴周  
塗理策鼓登陟

天閑驃騎歌

風沙獵獵花門湧肉驤礪礪蘭筋聳才大姿雄動有神牽出  
銅墀氣森竦騰身遠踏流沙煙深夜降精雷雨懸列缺無光  
霹靂動真龍拉沓生空天青海蕃奴不敢控蒲桃遠效哀牢  
貢未施羈勒霜蹴翻蹴空不待交河凍但覺揮文大漠馳誰  
知陪鐵連乾動浮雲颯颯風颭颭山崩谷湧馳奔濤滌注萬  
里一乘興中天突兀方瞳高天子宴坐含風殿翠網輝  
分九華扇夾鏡雙懸天骨張蹴踏瑤階日光變翹首長鳴電  
彩迴至尊動色太僕羨錦韉羅帕輕雲蒙鏤膺繡簇珊瑚  
紅作態懷恩自驕愛殿前徐步何雍容當時十萬沙苑馬  
格鬥掀騰不肯下當槽頰厭爭芻喧短筵時被圉人打此馬  
入門始一顧萬匹吞聲就羈羶前年大狩飛廉東屬屬奚免

無留蹤 至尊玉轡山乘弓鑿蹄剪鬣高懸驥此時朔漠  
來真龍馳突大澤毛羣空倒射黃羊殪其五血飛漉漉迴腥  
風金鞍翠飾被來好龍芻餐遍天山草殿閣爭圖玉鼻驕騰  
騫漫憶橫門道君不見霜郊瘦馬如堵墻東門日出看騰驤  
天寒草枯朔風怒長嘶夜半呼孫陽

澹道人秋色梧桐圖歌

道人何故使我慘不樂寒烟叢沓空巖落西園氣爽客登樓  
金井聲繁動鈴索亦有穠李華亦有園中桃銅柯石幹豈不  
暢揮灑胡爲貌出濃氛縈拂風蕭騷道人驅走東華道飽閱  
炎光覺秋好著色悽迷任化工披牋黯澹還天巧當其落墨  
時倏歛風雨生粗枝大葉氣橫出披拂盡作秋聲鳴琅玕一  
片赴琉璃欲墮不墮疑鏗鏗遠憶梧宮報早秋銀床夜冷露

華稠都將暝影虛闌意寫入關山萬里愁道人以我胸懷曠  
寄來命挂中堂上素幔渾連翠影勻孫枝似有輕颺颺極目  
江關首重回涼烟斷靄接層臺霜濃湘浦芙蓉落露滴幽巖  
蕙草摧龍門亦有參雲勢可奈西風鷓鴣來

上方角鷹歌

上方角鷹蕃錦毛星眸閃爍光如刀綠繡絡臂黃繩操陰崖  
激日翻秋颺刷羽戢翼勢飛動勁氣掣斷黃金條盤空曾踏  
天山雪決雲驟起飛影滅刷翎朝斷鷗鷺花奮拳夜擣狐狸  
穴倏忽騰身入霄漢雨灑層空亂毛血花裙胡兒不敢放羶  
廬遠獻千秋節嚴郊底貢馳青驄鷹師祗候長楊宮壯士臂  
歸動霹靂英標玉立凝清雄厲吻空櫺眺寥泬大關疑落花  
門東坊開近在銅龍側永日嚴威動八極鈴掣虛簷烏鵲馳

影翻昏畫鵲鵲匿陰庭轉瞬爍流電羣精潛喘夜惶惑是時  
大冬風怒號天清海國盤霜鵬水枯草短豺狼嗥獬豸貓獊  
接雕尻棘枝凍雀相呼呶歧喙翔走紛繹騷雕戈雪練迴幢  
旄鳴弦厲鏃揮孟勞凌空一逝不可招高陵大谷追懸猱疾  
過鰲臆馳修毫河隄山櫓窮搜牢毛羣羽族紛騰逃孤飛擇  
肉披羶臊霜睛不動寒穹高下眎鷲鳥非吾曹

蘇武收羝圖

似烟非烟霜凍鬚欲雪不雪雲塞塗西海北海冰膠臚釣者  
鯨得陰颺噓磨磨爾足驚鵲呼羴豬黃獐潛伏墟有獫其首  
來于干非羣非羣亦非羣曰粉齏竭厥狀殊矜矜穢穢誰謂  
無長肱不麾十指瘡陰罔斷坂邀以娛或羣或友亦步趨寢  
訛降飲儕厥徒何人重戴邐裏襦短筵不假招蕃奴高舉王

節持不孤翠旄歷落紆丹朱未央建章黃雲祖酸飆獵獵翻  
干旟哀哉子卿今收芻絕食大窖神女扶輶瘞慘栗愁弗舒  
羝乳則歸歸或誣有雪爲嚙旃爲茹阿誰寫真充願厨鉛黃  
粉墨生態紆麒麟漫漶丹青渝卑謹效死真丈夫少卿衛律  
嗟哉都拜恩賜號封新除兩甄馳逐形魁梧驪駟蕃頌來余  
吾神連獵罷休毳廬醺漿鹿脯封駟酥寒筵按拍聲嗚嗚紅  
羅綺組排妙妹地鑪煖爇紅氍毹君獨胡爲拘縶株子卿善  
覩千金軀繳藥弓弩良可圖上林雁帛來神書

循山西南行宿北壁小閣放歌

太行三日送我行參錯萬派羅虛明迴旋起伏突奔峭驚翔  
鵠峙標仙費今晨近山覩山奧深藍淺碧丹黃青磨礧空翠  
出千變似娛我意故遣窈窕來逢迎何人置此數椽閣與山

曲折無經營招山欲來拂鬚髭時有雲氣條歛窺簷檻我本  
愛山兼愛雲愛其紆迴參錯無相傾佳處非山非雲亦非閣  
妙會適與雲山并却憶昨歲入西粵城東峭壁排青屏當崖  
一亭特孤絕烟霏歷亂縈冠纓雲山不復異南北轟聒但少  
千雷霆彼旣無期此無約偶然得耳非前盟我聞退之禱衡  
嶽掃除陰翳開崢嶸東坡廣德祝雲海霜晨海市千人驚二  
公丹誠感神鬼天憐遷客施元精今我不禱復不祝坐收萬  
象澄孤清登臨豈不憶鄉國一身已逐飛鴻征世間萬事本  
無主當盃一笑諸緣輕君不見雲山變幻不可恒放歌且慰  
雲山情

登樓行陝州使院作

七月流火疾疔瘳十日不上西南樓今晨風色清且柔憑欄



聊作凌風游樓中几榻窓戶幽樓外巒壑縈沙洲中條倏歘  
雲氣收萬尖突兀撐高秋寒樹依微辨平陸炊烟點點微雲  
浮黃河一線東方流抱城北折潛蛟虬誰家挂席乘扁舟流  
烟落日不可留雲山縣渺生遠愁夢魂昨夜歸蘆溝歲聿云  
莫心百憂今我不樂日月遒當風一嘯翻輕鷗

中元舊縣驛夜歌三首

長河在南斗在北叢樹無人月深黑破柵殘扉不滿百夜昏  
灑酒家家哭獨客聞之黯無色欲見邱隴那可得四年此節  
在異國但見他人供酒食孤兒何曾在親側靈不見我應歎  
息生不能歡祭遠適父母生我亦何益

去年南頓月之日白六來聞我母卒驚迴淚斷哭無聲仰睇  
皇天白日失倉卒翻疑前月書書上平安誰所筆憐兒或恐

兒心傷兒歸更繞何人膝  
瀕危知復欲云何未親含殮憑誰  
說歸來一慟兒今還呼天不應心  
如割朝來漿酒陳應同楸  
梧蕭蕭生靈風五子羅立獨不見  
靈魂應到東阿東

我妻嫁我十年半十日啼飢九無  
飯苦憶嚴冬一破裳嫁我  
鬻盡供炊爨年餘飽煖抵幾何  
奄歛銷沉魂已斷肝摧隱痛  
彌留時腸牽兒女淚被面流連知  
爾意無限到頭何日重泉  
見月來數女知何如淒颼浙瀝  
吹裳裾朝攜祭榼綠青蕪秋  
墳呼母母則無覓爺中夜聲鳴鳴

王將軍行過汝上彥章祠墓作

太原城頭千老鴉東飛大漠啼黃  
沙晉陽王子子勝父捧矢  
告廟拔刀舞十萬健兒猛如虎  
日出河心擂大鼓鼓聲闐闐  
朝入雲大梁夜遣王將軍將軍  
意氣一何勇揮戈叱天天欲

動十盪十決當者誰朝趨鄆濮來援稀雲浮萬騎闕來追襄  
哀驚馬空鳴哀梁唐朝暮生焉爲不爲我用爰斬之如公之  
死死豈多爲朱三死如公何

輿人哭

輿人迸淚悲鳴嗚舌乾口燥哭路隅爾獨何事中煩紆輿人  
仰頭答欲語聲於喑自言祖父曾攻儒孤兒生苦身無襦收  
瓜負米販齊楚兄嫂不可同家居去年報名銅山縣負戴趨  
走事良慣日分五十青銅錢夫頭月給銀兩半前據官府經  
淮南出無一月錢盈串北關租草屋費我三百文勉強取隣  
女約略營衣裙出門日無幾聞說家遭水妻在水聲中宛轉  
隨波死所住間半屋至今在泥裏昨日縣帖下說道官今來  
驛吏備馬匹縣吏呼輿擡一班十二人聚集相分排平日喫

公食如何逃官差天明發銅山午至桃山驛不道五十里泥  
深沒腰膝足下著菲登頓滑赤腳肉痛畏傾仄泥深沒我身  
觸石傷我骨前日擡官來聽道往江西彼時雨雖落大道猶  
平夷今日擡官去言往江南許那知步步難舉動皆辛楚回  
首我家亦何許足無完膚苦復苦不怨行路難但願蒼天莫  
下連宵雨此去新豐鋪道里尙三十官路一尺泥泥中有石  
脚難入欲歸不能行不得吁嗟與人爾勿哭爾不見頽雲壓  
首沉西北干道電光如箭激殷殷震雷在汝脊

哀臨淮

嗚呼怪事吾不圖臨淮城上淮水趨崩濤直下城郭無沆漭  
巨澤菰與蒲七月廿日吾在途月再閤乃成沮洳城頭鼓棹  
平地如不知下有田舍廬縣官俟我城南隅我叩其略聲淚

枯淮流欲入洪澤湖湖水逆淮淮倒驅夜乘厥勢來吾郭洶  
濤驟湧人叫呼夫逃子逐牽其孥坐拋屋宇羣負嶠有室而  
沒田而瀦細流入括倉廩儲巨流橫灌牛羊徂官凡三夜遷  
厥居今之住者氓之逋北風中人金僕姑于野誰恤衣無襦  
昨計丁戶來十都倉穀坐沒償錙銖千村萬落悲飢烏貧者  
富者同嗚嗚嗟哉不救啜與舖坐無擘畫痊爾痼願官好恤  
無母雛天實鑒此非彼辜民不堪命吁可虞中丞今夜來其  
蘇

河決行

癸酉秋九月河決銅山東小店汎鱗時司試江南過  
茲壤情態目擊作是詩紀  
天子紆策促使憂悴  
民命也

嗚呼咄咄鼓隴胡黃河之水點滴無嗚呼黃河萬里之水曷  
得點滴無巨防溜決南東徂乃使故道鬱塞泥沙淤宿靈虹  
泗奔濤趨小店東來不一里河身坐見馳驅駒馳駒過河  
河中飛黃埃 皇帝陛下痛觸徐方災前遣大司寇旋遣  
大司馬賜之驛騎勿許休息連宵來屬以十從事迅捷如風  
雷傳聞 宮中昏旦罄壁畫令百卿士各以所見陳瑤階  
天關九重高高等萬里 天心乃與菲檐蔀屋相周迴徐州  
水衝突物料無所求 皇帝命河東協濟毋逗遛河東大  
吏各各率屬驅行轡知我 陛下日抱蒼生憂道逢老翁  
哭山徑攜妻抱子含悲哽老翁老翁爾不見廟堂吁咈  
宸衷勞九年之堯無此聖嗚呼九年之堯無此聖女曹何患  
無性命老翁罷哭涕在頤插翎數騎東南馳

磬陽夜大風雪歌

山風吹山山夜號雷硯霄霏奔崩濤地軸挫折鳴巨鰲攫拏  
老樹鴉雀逃夜入萬族掀蓬茅砂礫旋舞雪疾作鷺毛萬片  
如手落東鄰墻塌西叫呼夜半搶攘聲勢惡雪片轉粗風轉  
急長空叫嘯坤輪裂倉卒真同海水翻敲鐙時見簷瓦擲毋  
乃下民干風伯不然行者了奇劫冬盡知無雨雹來夜昏疑  
有鬼神入雙扉翕歛塞無力僮僕凋瘵始走匿嬌兒顧我意  
惶惑擊祛呱呱傍爺泣嗟乎兒泣尚可休無衣之人何以活  
君不見銅山縣東四十里築堤十日工方起呼集丁壯諧汝  
聲下埽日僅尺與咫手僵脚凍埽不穩眼見千夫萬夫死我  
乞天神顧神已此風莫入黃河水嗚呼此風莫入黃河水

長歌喜徐大快亭至飲酒作

黑風吹海聲如號大江千里無征艘東溟漁人棹船至君從  
何處橫輕舸聞吏傳刺我方食熟箸而起羹霑袍積惻蝸集  
忽相晤如背癢得麻姑搔坐君琉璃四面閣飲君碧玉千春  
醪轟飲大嚼盼左右卮融琥珀盤堆螯青眼高歌望吾子杜  
橫空岔起騷人騷男兒不佩斗大印便當去作鄉里豪不然  
肆志憩泉石空庭佳植羅慘懽丈夫舉事貴快意譬若鷹鷂  
離羈條嗟君簿領賦塵漬五年作吏東蒙四科條朝布吏役  
雜錢賦暮比鞭箠敲有時大吏出行部前驅負弩馳如孫掃  
治館舍索酒食人奴口角饒訾警歸耕旣無田二頃出仕歷  
有途千遭伯道無兒伯夷餓爰書判斷須咎繇羈留歷下月  
再聞叩門弗應吁勞勞酸風夜吼馬毛縮洶波凍合浮艤膠  
衣裘破敝行李乏每念及子中焉忉心游道塗計月日飛觴



寧敢期今宵嘆君跋涉喜君到咨嗟叫笑兼呼呶窓紅盞綠  
獨生蕊鱗鱗碧酒金波搖更籌屢易檐鳥宿戟門撾鼓藜藜  
高開簾起視雪在地霜空片月圓松梢

出郭見西山晴雪有懷謝青柯

夕籟喧叢籊蕭堂昨夜寒朝暉上西崦雪在青林端此日跨  
驢客梅花誰共看一瓢勞遠意落葉浩漫漫

西堂秋夕

雲影度銀浦碧天橫數星幽人眷良夜捉席暮山青荷動觸  
虛籟竹深流暗螢遙思潞西客翠袖倚風襦

寄題雲壑草堂

衆綠被牆趾蕭然蘿薜陰一谿明霽壑半畝面雲林柳是先  
生種松如靜者心時來北窓卧流興滿青岑

鄆城楊園

虛砌蟲語歇夜涼開竹樓數星動林際片月西南流露氣暖  
深竹池香寒早秋迢迢望河漢莫慰異鄉愁

河陽薛氏園亭

行盡蒼苔路高齋暮色晴一花如有意數樹不知名排闥書  
堆案閒軒水抱楹小池更幽絕烟水晚逾清  
欹枕臨池睡招呼得晚風帳鈎花影外人夢月明中意愜幽  
懷澹神閒客慮空來朝踏塵去更起步深叢

孟縣早發洛陽道中

弓衣小隊詰朝閑岸柳風吹宿霧還却訝樹頭紅日出隔河  
青見洛中山

寂歷荒郊向晚過道旁高塚鬱嵯峨珠襦玉柙三泉冷月黑

楓林鬼語多

面面青山是洛州黃塵無際碧波流荆榛不獨銅駝恨十里  
寒蕪冷似秋

園中春色麗甚觸懷爲詩

又到嬉春中酒時苔青幽院捲簾遲花前一事關情甚覆盎  
門東賣酒旗

挂笏空亭日欲斜林光池影映烏紗黃蜂紫蝶入牆去一帶  
綠楊歸晚鴉

錢維城

字幼安號稼軒武進人乾隆十年 殿試第一人及第

官至刑部侍郎卒 贈尙書諡文敏有佖山集

任邱縣

我行任邱縣頓覺行路好泥乾少顛蹶馬足亦輕蹻頗疑民  
氣閤共訴膏澤少插秧雖已多結穠日就槁前朝過涿鹿夾  
路秀梁稻豈意百里間造物判殊巧縣尹塵土來齋沐方虔  
禱具言民艱難農事非草草六月纔布種田功已不早典衣  
傭力作男女盡耘耰夏秋五十日縱雨亦微小已空室中財  
徒得眼中飽豐隆遂終臥家室恐難保我聞心瞿然歎息視  
天表迴幹當有神盈虛亦天道宵來起微陰竟失衣上燥庶  
幾雨濛濛忽復日杲杲凌晨登前途泥滑任馬倒

舒城旅次作

王安石通判舒州以文彥博薦召入

宋業墮神宗安石實首亂時真寬法網天末快窮竄如何學  
士口臧否尙相半賢奸無首鼠少正尸兩觀文章工何爲斯  
高亦篇翰

趙高有委歷篇

餘毒乃紹述安足誅京貫點火熾廣原百物

遂焦爛詎憤攸灼威而忘星星炭理亂非一人財用司其券  
不聞治成康囂然起嗟怨大臣操國紀得主患不斷忍傷天  
下心矜已伸一見前朝紛礦稅神廟惑寺宦藍袍翻御床思  
陵可勝歎

桃花嶺

陟嶽疲千盤幽壑屢迴迤遙見前山人招手可共語層峯起  
趺下瑣碎不可數白雲滄其間倏忽若吞吐深秋無定風容  
易作晴雨石窄滑不支礪深危敢俯螺旋已無經蟻附復可  
取人生苦局促撇捩羨鳥羽未盡三十程曦輪過停午

觀瀑

靈泉竇雲根飛洒自天半初如匹練下觸石遂零亂飄蕭恍  
雨霰隱約冒苔蘚霧氣霽虛亭霏微著几案潭底無定珠東

西濕遙岸客遊涼素裹屢欲衣裳換失口訝垂虹驚風忽中  
斷雷霆乍碎擊琴筑復疎散誰噴冰雪懷高唱接雲漢太白  
今則遙翹首再三歎

定遠山行見田間蓄水有法禾黍暢茂卽事述懷

山田上下如劃基十步五步溝通池農家婦子水爲命蓄積  
升斗同金貲節宣起閉重分寸兼察地勢分高卑自然服習  
等卧起非有智巧誇神奇氣疎每至風雨好澤潤并得癘札  
稀揚州厥土惟塗泥田實下下經所喚溝渠未失古遺意東  
南財賦天下推北方惜農亦鋤犁禾生滿野無町畦關門枕  
肘問晴雨磬磬開口憑天時禹勤畎澮首窻冀誰其墮者不  
可稽遐哉衛李安所責荆吳亦豈當年基屢煩 明詔拯  
瘡痍亦有使者紛驅馳奉行豈必盡不善事等創造驚恩黎

中丞崔公紀昔分陝下令鑿井民猶咨於今稍稍食舊德樂  
成圖始理則歧況今屯種踰安西輪臺蒲海咸得治遂人緒  
舍職不講奚取百萬供軍資安得九扈官農師赤墳白壤澤  
畢陂遊談莫問是與非泥池汨汨禾離離男耕女饁不敢嬉  
三錢斗米何足希

屬疾寄曹劒亭

微疴如小隱閉戶卽山林節序拋孤枕生涯賸苦吟霜中羣  
木盡雨後一燈深持此蕭閒味應符靜者心

寒食齋中卽事

寒更已蕭寂近卽復便娟清磬上明月孤琴流暗泉投林山  
鳥適背郭草堂偏此夕念湖海子懷正杳然

分綠軒對月

夕景清殘暑涼生滿院霜不因風動竹未覺月侵牀有客吹  
長笛何人倚曲廊吳歌傳子夜歸夢隔蒼茫

雨後過平陽縣

時奉  
命往泰安

雨過空翠滴風轉弱雲低一路杏花發滿山春鳥啼人家斜  
崦口城郭夕陽西不信塵中得行行惜馬蹄

桃城

舒城縣北三十里繁盛過於縣城其名  
無可及稍南爲北渚有額曰人在鏡中

五里桃城路烟花夾岸多秋風吹北渚日夕起微波巷有周  
郎曲人傳小吏歌塵沙騎馬客自笑鏡中過

舒城縣

同年姜王山曾宰此縣有春秋山形  
如卧龍李伯時讀書處亦名龍眠山

山翠落龍眠孤城起畫烟風辭昨夜雨雲作

去聲

早凉天香稻

千村熟清池一邑傳關心詢舊尹此地有名賢

文翁舒  
城人

桐城山中曉行



山行愛侵曉松露滴人衣晴旭澹空翠虛嵐澄素暉村烟看  
始上谷鳥試初飛及此諧清曠何妨暮色微

新秋雨後夜坐

斜陽殘雨外一半作秋晴雲葉飛無定檐花落漸輕螢流深  
樹影鐘隔遠溪聲靜愜幽蘭意方疑玉軫情

蛩

商聲不在樹空砌結秋心久客苦長漏騷人愛短吟并添四  
壁靜獨對一燈深復有清砧和能無白髮侵

十六日晨達溫州

潮駛三更落風平一葉輕晴巖明海色寒樹雜江聲鳥語喧  
山寺人烟護郡城爲耽遊興好遲爾半帆程

登樓

萬樹斜陽迴西風滿小樓海雲多作雨山氣易成秋歸馬高  
城暗殘蟬古寺幽披襟聊騁目暝色一窗收

懷儂歌

永巷聞歌聲歡愁不同調儂情一寸燭能得幾多照  
清淚掩重袖君行豈忘家須知鸞鏡影不是菖蒲花

月下吹笛

碧雲無際海天長十二樓頭思渺茫一曲落梅吹夜月霜華  
飛下薄羅裳

蔣元益

字希元號時庵長洲人乾隆十年會試第一官至兵部  
侍郎有志雅齋詩鈔

月夜追和碧城韻

含情脉脉倚闌干料峭吟肩不耐寒欲破閒愁憑綠蟻難通  
芳信憶青鸞靜中鈴索分明聽遠處簾櫳約略看怪底烏龍  
頻吠影想風微動月如盤

泛舟至法海寺

煙艇夷猶去路賒尋春蕭寺夕陽斜風迎桂櫓聽歌客影亂  
湘簾隔水花載酒俊遊消此日殢人濃艷落誰家暮鐘欲動  
香塵遠擬認輕雷逐鈿車

閔鶚元

字少儀德清人乾隆十年進士官至江蘇巡撫

中秋夜登州試院和吳沅春韻

乘槎直到海天東秋意蕭騷興不窮萬里相看明月夜三山  
半落酒杯中魚龍寂靜波濤闊樓閣清寒嘯詠同最有吳剛

工斫桂香風飄拂滿簾櫳

李友棠

字西華臨川人乾隆十年進士官至工部侍郎

辰陽關

叱馭入沅陵高下羅衆皴幽探歷荒林煙霏阻遐觀卓立山  
骨閒垣墉森傑構湍激石齒齒靈淵滴潛溜犖確逕愈微僕  
痛愁馬仆輿丁引雙絙推挽翼左右雄關勢撐霄嶮絕信天  
就自可丸泥封那容方軌驟吳淞昔披猖伏莽餘殘寇釜魚  
喘尙延檻獸困猶門開府九伐崇間道千金購沿溪出奇兵  
遂使虜巢覆介然成康莊行旅來輻輳層坡無曠土原田紛  
錯繡隔嶺聞吠厖飲谷見懸狖遺聞故老傳承平百年後履  
茲周道直益歎戰功懋稅駕日將通山前有孤堞

由文德關過相見坡至華嚴洞小憩

統如街鼓猶頻敲荒雞山郭鳴嚶嚶似裝西出臨遠郊浮嵐  
冷霧霑征袍綫路漸逼巖巖巢幽壑俯見杉篁梢晨星磊落  
高旻拋日出下界聞喧呶峯迴逕仄誠崑庠誰遣五丁開夜  
礮石崖中斷風颭颭當關一夫如虎虓仰攻坐廢千衝輒何  
須百二誇函嶠遐觀又怯岡巒窳三峯離立殊類類遷喬入  
谷登降交向背起伏揚旂旆車騎歷歷無遁迹僕夫竭蹶汗  
流駸朝饗遙指前山劫道人行脚僧打包我亦瓶鉢隨身捎  
齋厨野飯陳尊肴洞門呀豁噓笙匏揮斥二酉凌三茅華嚴  
法界非虛設巖躡枯條脊蟠峭雪色蝙蝠深壁抓暗窺但覺  
寒生髻試乘烈焰驚潛蛟石髓凝滴形媚姣天花紛綴優曇  
苞大千色相同影泡羊鬚有珠充僊庖雲漿一吸超凡胞悔

不深入中心愒此間結宇饒芻蕘烏犍百尾耕荒磽艸堂肯  
使嶽隴嘲漫謔長句資謹誥小胥爲記郵程鈔

荆門雜詠

憔悴江潭賦九歌楓林葉下洞庭波蛾眉自古傷謠詠獨采  
秋蘭弔汨羅

蒼茫雲樹隔昭邱悵望秦川萬里游遷客依人懷抱惡不堪  
回首仲宣樓

宋弼

字仲良號蒙泉德州人乾隆十年進士官至甘肅按察  
使

題蓮洋山人集

誰掣鯨魚碧海中玉溪端是出羣雄臨川獨具千秋眼爲許

樊南繼杜公

虎氣龍身豈久藏華陰赤土拭干將當時夜夜豐城色曾掩  
星文北斗傍

蒲坂遙連太乙山二州八水照孱顏如何姑射仙人宅只在  
河聲嶽色間

妙解惟應慧業知生天成佛漫相疑傳燈消息分明在看取  
拈花微笑時

江權

字越門歙縣人乾隆十年進士官夔州府知府

自通江至南江縣途中作

肩輿快崇岡盤辟不敢上僕夫左右從宛如牽百丈川塗各  
舟車形狀已非兩自茲及南邑山石間林莽尺地無透迤百

里失曠爽丞徒時陟降一身勞俯仰念此山中民跬步嘗負  
襁日暮尋寒寺深樹一鐘響

自劍州至蒼溪縣途中作

兩劍爭嶙峋過此稍夷坦驛路絡山梁古柏翼長坂夾道散  
清影森森寒欲晚州城半在山城下一溪滿涉溪上層巒歆  
仄愁偏反叮嚀告僕夫日高行且緩言尋招提宿道路加餐  
飯古寺多悲風林聲夜未斷明發望蒼溪朝煙已在眼

南江縣大巴山途中作

流氛恣蕩析蠶皂憂土滿生聚今百年荒蕪尚在眼茲邑更  
僻陋崖壑深且遠夜黑虎豹叢白日行人斷巴山兩截巢拱  
立如相伴大巴小巴相  
隔約五十里中有尋丈地稍稍露平坦下令招流移畫  
疆授生產今來省耕歛出郭經折坂盤旋渡難水水往復似



縈綰行行巴山道冰雪猶未散深山多餘寒燒畝亦已晚民  
戶爭來迎暮雨就行館

銅鐘行

夏樓江上百尺高夜深風雨爭喧號陡聞有物在空際吼聲  
動地如蒲牢晨興相顧各詫異上躡層梯辨真偽四壁蕭條  
八闔空鐵繩貫紐洪鐘繼初疑神物不敢撓神靈呵護蛟龍  
鳴視之駭目色斑駁聽之震耳聲鏗鉤須臾若抗復若墜摩  
挲細讀行間字武氏長安是建元大撓甲辰當歲次吁嗟運  
會不可長人間彈指成滄桑此鐘歷劫未磨滅尙說流傳自  
李唐是時唐室方不競龍漦坐攝中宮柄夷滅宗潢逐帝儲  
才人作后還稱聖萬象神宮制作垂昇仙太子紀穹碑制成  
奇字書青簡欲比蒼靈萬古師以圓爲月圓爲日轉注諧聲

皆勿律迄今題字尙依然諦觀洵是當時物星移物換幾千  
秋雲散風流一轉眸景王無射歸何處獻子歌鐘不可求金  
輪御世經千載追蠡<sup>十</sup>歸然仍獨在偽符贗鼎旣流傳何妨  
拂拭生光彩百年高閣尙雄尊萬物顯晦同朝昏未審浮來  
自何日想見逆浪聲崩奔

錄自台州相傳  
從嘉陵江浮來

湖海詩傳卷十